

寰海欣聞息鼓聲。壯圖空自負輪蹄。論文忽遇蓬萊客。棖觸崑崙萬國西。

南州先生來遊邊徼。關懷時局。亟以軍容缺整。不事操防。自強無據。有足憂者。具見念切同洲。熱心中土。可感實深。口占

俚句。再請榮政。

富庶由來自可欽。那堪坐廢到而今。泰西遊客知多少。不及南州愛我深。

丁未夏秋之交。余守疏勒。適東瀛南州先生遊歷過此。晤談頃刻。歡若平生。出紙索題。以誌邂逅。卒成七律二章。聊應雅

命。其工拙則未遑計也。

古羅、蔣光陸

環球各國數來遊。惟許東瀛占上頭。政府淵源崇聖教。學堂宗旨重儒流。
開通世界翻新局。歷覽乾坤擴壯猷。宇宙大觀憑領取。好摹圖畫豁雙眸。
英豪儒雅艷相傳。獲晤芝顏益信然。詩律儼同兵律細。劍花爭共筆花妍。
鶯啼夏日流仙韻。馬趁秋風著祖鞭。料得瀛洲初返後。應多清夢到飛泉。

南州少佐。以經學名公。來遊邊徼。接談之頃。出途中各公題贈。以示炳煥。理應以詩見志。顧老且荒矣。安敢效顰。然不能